



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Ivlstri Regi Aragonensi.

**urn:nbn:de:hbz:466:1-20020**

persona aut terra mea injunxeris curabo fideliter adimplere & in perpetuum modis omnibus observare ; & quod ita totum adimpleam , & contra non veniam , vel aliqua arte vel ingenio ab aliqua persona veniri sustineam , de omnibus concedens vobis potestatem plenariam , per Deum & haec sancta evangelia corporaliter facta sponte juro . Et ad maiorem hujus facti firmitatem hanc paginam mei sigilli auctoritate confirmo . Actum est hoc apud Tolofam v i . Kal . Februarij , anno dominicae incarnationis millesimo ducentesimo decimo secundo .

Et quoniam visum est Domino Regi ejusque curiae ipsa originalia penes se potius retinere quam incertis casibus fortunae committere , ad pedes sanctitatis vestrae eorum mittit scripta sigillis nostris communita verbo ad verbum fideliter sumpta , nullo addito , vel diminuto , vel in aliquo immutato . Hoc autem transcriptum factum fuit apud Perpinianum fideliter 11 . Kal . Aprilis , anno ab incarnatione Domini millesimo ducentesimo tertio decimo .

*ILLUSTRI REGI  
Aragonensi.*

*Epiſt. 48.  
Sicut tu uice  
faveas haereti-  
cis.*

**I**S in cuius manu sunt omnium corda Regum inspirare tibi humiliter exoratus ut prudenter attendens quod juxta mandatum apostolicum nos oportet obsecrare , arguere , increpare , nostras increpationes , quas paterna in te affectione deponimus , devotione recipias filiali , & sic nostris obtemperes salubribus monitis & consiliis ut correctionem apostolicam devote recipiendo , demonstres te in iis etiam affectum habuisse sincerum in quibus absque dubio per effectum nosceris deliquisse . Sanè ad totius ferè mundi notitiam jam pervenit , nec serenitatem tuam ignorare credimus aut etiam diffiteri , quod inter ceteros Principes Christianos te specialiter studuimus honorare . per quod & potentia tibi accredit & fama . Utinamque cum iis prudentia & devotione tibi amplius accrescissent , quod licet utile nobis existerer , tibi tamen potius expediret . Verum in hoc neque tibi providisse dinoscitur , neque nobis ut decuit detulisse , quod cum cives Tolosani à corpore Ecclesie sint excommunicationis mucrone praescisi , & ipsorum civitas supposita interdicto pro eo quod quidam eorum sunt haeretici manifesti , plures vero credentes , fautores , & receptatores ipsorum ac etiam defensores , adeo ut alij quoque , quos Christi exercitus immo verius ipse Christus , quem contra se ipsos suis adiunctionibus provocarunt , à suis fecit tabernaculis emigrare , ad Tolosanam quasi quandam erroris sentinam confugerint civitatem , observantes tempus & opportunitatem captantes quod

fidem in partibus illis quasi de novo planatam , velut locustæ de puteo abyssi egredi , valeant extirpare , tu divini timoris oblitus , quasi prævalere valeas contra Deum vel avertere manum ejus contra eos exigentibus suis culpis extentam , ipsos & eorum complices in defensionem , quasi sub specie pietatis impietatem exercens , in scandalum populi Christiani & propriæ famæ dispendium recepisti post inhibitionem à Legato nostro ex parte Dei & nostra districtissimè tibi factam , non sine nota gravis infamia ac suspicionis scrupulo gravioris . Nuper igitur auditis quæ venerabilis frater noster Segobricensis Episcopus & dilectus filius magister Columbus nuntij tui ac nuntij Legati nostræ ac nobilis viri Simonis Comitis Montisfortis in præsenti nostra proponere voluerunt , & litteris directis hinc inde pleniū intellectis , habito cum fratribus nostris tractatu atque consilio diligent , volentes honori tuo quantum ad famam , saluti quantum ad animam , & indemnati quantum ad terram paterna sollicitudine præcavere , serenitati tuae in virtute spiritus sancti sub obtentu divinae ac apostolicae gratiae districte providimus injungendum ut sine mora prænotatos deseras Tolofanos & complices corundem , non obstante promissione vel obligatione quæcumque præsta vel recepta in elusionem ecclesiasticae disciplinae , ipsis , quandiu tales extiterint , non impensus per te vel alios consilium , auxilium , vel favorem . Si vero iidem ad Ecclesie redire desiderant unitatem , prout fuit à dictis nuntiis tuis propositum coram nobis , nos venerabili fratri nostro Fulconi Tolosano Episcopo , viro integre opinionis & virtutis , qui testimonium habet non solum ab iis qui sunt intus , sed ab iis etiam qui sunt foris , nostris damus litteris in mandatis ut adjunctis fibi duobus viris prudentibus & honestis , eos qui voluerint de corde puro & conscientia bona & fide non ficta redire , sufficienti ab eisdem cautione recepta , reconciliem ecclesiasticæ unitati ; illos vero quos in erroris sui tenebris persistentes idem Episcopus de labe notaverit haereticæ pravitatis , exterminari præcipimus à civitate jamdicta , & bona eorum omnia confiscari ; ita quod nullo unquam tempore recipiantur in ipsa , nisi forte divinitus inspirati se viros fidei orthodoxæ cultores exhibitione operum demonstrarent ; & sic civitas ipsa reconciliata pariter & purgata sub apostolicae sedis protectione consistat non molestanda de cetero à Comite supradicto vel

# Romani Pontificis Lib. XVI.

771

aliis fidei catholicis, sed defendenda potius & foventa. Miramur insuper & movemur quod tu pro terra nobilium virorum Convenarum & Fuxensis Comitum ac Gastonis de Bearn restituenda sibi apostolicum per nuntios tuos suppressa veritatem mendacium exprimentes subripi fecisti mandatum; cum propter multa & magna eorum flagitia, ob haereticorum favorem, quos manifeste defendunt, excommunicationis sunt vinculo innodati. Verum cum mandatum pro talibus sic obtentum non teneat, illud tamquam subreptum penitus revocamus. Si vero iudicem ecclesiasticae unitati reconciliari desiderant, prout dicunt, venerabili fratri nostro Narbonensis Archiepiscopo apostolicae sedis Legato nostris damus litteris ut recipiens ab ipsis non solum juratoriam cautionem, cum jam sua sint juramenta transgressi, sed & aliam quam uiderit expedire, beneficium eis absolutionis impendat. Et iis rite praemissis tamquam verae devotionis indicis, Cardinalem de latere nostro Legatum, virum honestum, providum, & constantem, iuxta petitionem tuam ad partes illas curabimus destinare; qui non declinans ad dexteram vel sinistram, sed incedens regia via semper, quae recte facta invenerit approbet & confirmet, errata vero corrigat & emendet, & tam nobilibus antedictis quam aliis conquerentibus exhiberi faciat iustitiae complementum. Interim ergo inter te & terram tuam & dictum Comitem Montisfortis ac suam volumus & mandamus firmas treugas fieri ac servari, haereticis prorsus exceptis; cum quibus, cum nulla sit societas lucis ad tenebras, nec participatio Christi ad Belial, aut pars fidei cum infidei, orthodoxae fidei professores treugas habere non convenient sive pacem. Mandantes nihilominus Comiti antedicto ut tibi pro terra quam a te tener reverenter exhibeat quod exhibere tenetur. Illud autem excellentiam tuam volumus non latere, quod si Tolosani ac nobiles saepedicti adhuc quoque in errore suo duixerint persistendum, nos per indulgentias innovatas crucesignatos & fideles alios praeципimus excitari ut ad extirpandam pestem hujusmodi divino fretu auxilio insurgentes, tam contra ipsos quam quoslibet alios receptatores aut defensores ipsorum, qui plus ipsis hereticis sunt nocivi, procedant in nomine Domini Sabaoth. Monemus igitur serenitatem tuam, rogamus, & obsecramus in Domino quatenus quae praemissimus prompto animo, quantum ad te pertinet,

Tom. II.

exequaris, sciturus pro certo quod si alter, quod non credimus, duceres faciendum, praeter indignationem divinam, quam ex hoc facto contra te procul dubio provocares, grave ac irreparabile posses incurrire detrimentum, nec nos, quantumcumque tuam diligamus personam, tibi contra fidei Christianae negotium possemus parcere vel deferre. Quantum enim tibi periculum imminceret, si Deo & Ecclesiae, praesertim in causa fidei, te oppones, ut consummationem sancti operis impedes, non solum vetera sed & moderna te possunt exempla docere. Datum Laterani Kal. Iunij, pontificatus nostri anno sextodecimo.

*In eundem ferè modum nobili viro Simoni Comiti Montisfortis. Is in cuius manu &c. usque Sabaoth. Si enim praedictus Rex alter duceret faciendum &c. usque docere. Monemus igitur nobilitatem tuam & exhortamur attentiùs, per apostolica tibi scripta mandantes quatenus quae praemissimus prompto animo, quantum ad te pertinet, exequaris. Datum ut suprā.*

*In eundem ferè modum scriptum est Narbonensi Archiepiscopo apostolicae sedis Legato. Is in cuius manu &c. usque docere. Vnde nos Regem & Comitem saepedictos per litteras nostras monuimus ut quae praemissimus prompto animo, quantum ad eos pertinet, exequantur. Ideoque fraternitati tua per apostolica scripta mandamus quatenus praefatos Regem & Comitem monens ad id efficaciter & inducens, procedas circa tres nobiles antedictos secundum formam superius comprehensam. Tudenique, frater Archiepiscope &c.*

*In eundem ferè modum scriptum est Tolejano Episcopo. Is in cuius manu &c. usque inducens, procedas circa cives praedictos secundum formam superius comprehensam. Tu denique, frater Episcope &c. Datum ut suprā.*

## DE REFLORIIS ET DE PALMI Abbasibus, & Priori de Refloriis, Bracarense & Tadensis diocesum.

**O** Blata nobis M. mulieris petitio con-

Eps. 49.  
De sepelendo  
excommunicato qui penitentia figura  
dederat.

EEe ij